

LIBRARY
OF THE
UNIVERSITY OF MICHIGAN
ACCENTVVM VETERVM
GRAECORVM
GENVINA PRONVNTIATIO.

DISPVATATIO SOLEMNIS

QVAM

DIVINIS SVB AVSPICIIS

ATQVE EX AVCTORITATE

AMPLISSIMI PHILOSOPHORVM ORDINIS

PRAESIDENTE

ILLIVS IAM DECANO EODEMQVE

MAGNIFICO GEORGIAE AVGVSTAE

PRORECTOR

IOHANNE MATTHIA GESNERO

PRO SVMMIS IN PHILOSOPHIA HONORIBVS

RITE ADEVNDIS

PVBICO DOCTORVM IVDICIO SVBMITTIT

AVCTOR

IOHANNES MICHAEL KERN

EPSONIENSIS HVNGARVS

SEMINARI PHIOLOGICI QVOD GOTTINGAE EST SODALIS.

A. D. XV. MENSIS NOVEMBERIS A. O. R. c18cciv. 1755.

GOTTINGAE

APVD ELIAM LVZAC.

Summa dicendorum.

Accentus siue *προσῳδία*, altera pars *grammaticorum* comprehendit omnem recte vocem sonandi rationem, & altitudinem eius & longitudinem, & quosdam voces apte distinguendi & combinandi modos. §. I.

Altitudo nomen toni accepit; &, vt est *suauissima*, sic, quae sit a recentioribus *perturbata*, eam inus ab interuisione liberatum. §. II.
Hoc contententes ponimus

I. *Decreta* eius doctrinae, & *naturam toni* ita explicamus, vt

- 1) *rectum tenoris usum* demonstrantes,
 - a) *grammaticam* eius vocis (*τόν*) habeamus rationem: §. III.
 - b) in *genuina* eius *natura* ac *vi* exponenda,
 - partim* *accentus* singulos; & *acutum* & *grauem* & *circumflexum* curatius euoluamus; §. IIII.
 - partim* *principia* quaedam eius doctrinae, tumul-
tuarie licet, commemoremus. §. V.

2) *Prauus* eius *usus* intelligitur potissimum; dum *discrimen tenoris* a *quantitate* syllabarum vindicamus. §. VI.

II. Quae ad *historiam* eius rei pertinent, ita expediuntur, vt

- 1) quae circa eius *vigorem* obseruamus, eum in mo-
dum dispescamus, vt
 - a) illa, quae a *naturali initio* profecta *grammatici* antiquissimi, *PLATO*, *ARISTOTELES*, & maxime *APOLLONIVS* & alii, absque *signorum* adhuc *frequentatione* docuere, §. VII.
 - b) ab his, vbi res *adpiētis ubique fastigiis* & *notis* augeri etiam coeperat, probe fecernamus. §. VIII.
- 2) *Interit* haec *germana tenoris* suauitas; quum haec *signa quantitatē* notare perperam *scholastici* putare] coepissent. Quo morbo & *nostrae Scholae* laborant adhuc pleraeque omnes. §. IX.

Retinendas has *figuras* esse demum *coronidis loco* constituitur. §. X.

Accen-



Accentum dici romanis idem, quod graeci antiqui *προσῳδίας* nomine intelligunt, FABIVM 1), GELLIVM 2), vt caeteros taceam, auctores habemus; & ipsius *etymi* 3) fide constare videtur. Complectitur *utraque harum* denominationum, in omni suo ambitu, & *syllabarum producendarum* doctrinam, & *toni*, simulque *spiritus*, qui literam primam vocis cuiusdam, praecipue vocalem, animat, *caeterasque notas*, quae ad rite pronuntiandam vocem quamvis, si ab rudibus elementis ac literis discedas, faciunt. Atque adeo *accentus* vocabulo ita vt *προσῳδίας* antiquis in vniuersum omnis veniebat vnum quodque

A 2

1) M. FAB. QVINCTILIANVS *instit. orat.* l. I. c. 5. §. 22. edit. *Magnif. Praefidis.*

2) *Noſt. Attic.* l. XIII. c. 6.

3) DIOMEDES *de oratione* & *part. orat.* & *var. gen. metro-*
rum l. II. edit. EL. PVTSCHII p.

425. *Accentus*, inquit, *dictus est* ab accinendo, quod sit quasi quidam cuiusque syllabae cantus: apud graecos ideo *προσῳδία* dicitur; quod *προσάδεται ταῖς συλλαβαῖς*.

que verbum ad modum *vocis* viuae, in qua inest cantus quidam obscurior, bene sonandi ratio 4).

Nempe quod prope *diuinum* mortalis ingenium admirandum sane in modum *vocis elementis*, *dilabenti* illi & in ventos abeunti *aëri*, *vincula*, alis quasi praecisis, *inūcere* docuit, *ita* ad superficiem quandam planam hunc sonum *adstringendo*, vt in *aliud* quasi *rerum genus* transferatur, & quae *auribus* tantum seruiebant antea, iam & *oculis* se conspicienda praebarent: *idem* curatius animum aduertere pergens & minutissima etiam conlectari, *mox* in elementis eorumque syllabis, vt omnis natura varietate in primis gaudet, quae in tam immensa rerum turba nihil vspiam reliquit, quod non admirabili quodam varietatis artificio informauerit; *altitudinem*, *longitudinem* & *latitudinem*, ad trinae omnium corporum dimensionis instar, deprehensam distinxit 5). In *isso* huius varii soni *moderamine* multa sermonis est *suauitas*, cuius omnis musica nonnisi adumbrata imago est, vt & in hac rerum particula facile perspicias, quae *necessitas primum* intulerit, ea *studium* hominum *demum* perfecisse magis, & vt *suauia* sibi quoque sint, curasse.

Inde

4) THEODORVS GAZA veteres sequutus : προσῳδία, inquit, ἐστὶ τὰς ποίαν τις φωνῆς ἐγγράμματες, πρὸς εὐφωνίαν τῆ ἑλθούσης λόγῳ. Ἡ προσῳδία εἰς τέτταρα διαιρεῖται ἄν. ὅν ἐστις τόνος, χρόνος, πνεῦμα, πάθος. Et libro II. dicit: Ἡ προσῳδία ὀξεῖα καὶ ἡ βαρεῖα καὶ ἡ περισπωμένη, τόνοι. ἡ δὲ δασεῖα καὶ ψιλή, πνεύματα. ἡ δὲ ἀπέρροφος καὶ ἡ διασολή, πάθος. Inde celebres

illae decem prosodiae graecorum, quas singulas dein definit. Idquod & PRISCIANVS facit in libello suo *de accentibus* edit. PVTSCH. p. 1287.

5) PRISCIANVS l. c. p. 1285: Habet *litera*, inquit, *altitudinem* in pronuntiatione, *latitudinem* in spiritu, *longitudinem* in tempore, *b. e.* aut *alte*, aut *late*, aut *longe* auditur.

Inde in *duo* iam diuidendum fuerat primis statim grammaticis, quicquid in *grammatisticis* siue sermonis fundamentis; quae vulgo vocant, circa *ipla elementa* literis expressa, eorumque *sonum* dici potest: quorum *vna* pars, eaque *prior notas* ad formanda *elementa*, simplicem igitur oris & linguae fictionem ac conformationem docet, rudemque continet elementorum pronuntiationem; *altera* & *posterior*, ad elementorum & literarum similitudinem, omne id comprehendit, quod ad *diuersum sonum* rudis illius aëris emissi, ad variam *vocationem* syllabarum, & ad suauitatem inde vocis *moderatae* attinet. Qui omnis sonus in quaque syllaba pronuntianda, adeoque grammaticus & literarius 6), quod est cantus alicuius instar, *προσῳδίας* iam & *accentus* vocabulum accepit, hebraei *עֲנֻן* *gustum*, vocant; atque *altitudine*, siue contentione vocis aut ei opposita remissione, *longitudine* & syllabarum *mora*, *latitudine*, quam spiritus alper vel lenis moderatur, *passionibusque* quibusdam, quas vocant *ἀπὸς προφον*, *ὕψεν* & *ὑποδιαστολήν*, adiuuatur & perficitur. Quare neque graecorum *προσῳδίας*, neque latinorum *accentus* nomen siue *solam* syllabarum *productionem*, quam vnā recentiores, quo iure, nescio, *προσῳδίαν* dicunt, siue vocis *intentionem* aut *remissionem* duntaxat primum designat. Dicitur quidem *prima* inter has quatuor *προσῳδίαν* siue accentuum species, *accentus specialius*: *solam* autem, quantumuis eam *mora* & *quantitate* syllabarum maxime distinguendam videam; omnis tamen *accentus*, nisi *arctius* dicti, nomine temere habere nolim. Multo minus suffragar iis, qui *accentus*

A 3

voca-

6) Docet ille quidem sonum *singularum* duntaxat *syllabarum* rite pronunciandarum: verum penes hunc demum & omnis est oratoria soni modulatio, qua continuum

sermonem in iucundiores dicendi rationes artifex flectit, & in delectabilem auditus formam conuertit, acerbitalis vitandae gratia.

vocabulum ad *sola* tenoris *signa* reiciunt, quae si quis vocum *notas*, *fastigia* vel *cacumina*, quod capitibus literarum apponantur, dixerit, pressius sane atque exactius loqueretur, meliusque distingueret.

II. Haec *princeps accentuum* pars, quae suo nomine, quod ab eius *officio* delumtum est, *tonus* ac *tenor* appellatur, & ad odiosam ac molestam vnam quandam spiritus ac soni intentionem euitandam ab ipsa etiam natura dictata est, fuit in ore hominis graeci olim multo elegantissima ac suauissima, ob dulcem quandam ac canoram vocis modulationem, quae graecis & pluribus orientis populis propria esse videtur, cuius *vestigia* obscura, & tenuia licet rudera in *sermone hungarico* & *graeco* decenter, distincte atque eleganter modulato ad nostram vsque aetatem aduertat, quae apud hos, qui occidentem solem & septentriones magis spectant, non tam facile deprehendas. Elegantissimam hanc graecae literaturae particulam, *genuinum sonorum graecorum usum* puta, qui ab auctoritate antiquorum, quasi a magistro, recedens, reduci feliciter nondum potuerit, pristino nitore, luci suae ac libertati restituere tento; eundemque simul mouere studeo lapidem cum viris, qui artibus repurgandis gnauiter incumbunt; quantumuis parum adhuc pro voto atque ex aequo progressi sunt ob pertinacem plerumque turbae mortalium, harum literarum ignorationem.

Si quid olim in *his literis* benignissimum Numen opellam meam proficere largitus fuerit, id omnino, cui & *haec prima tentamina* debeo omnia, acceptum referre animo quam maxime grato pietas iubet Magnifico Praesidi, viro, uti in omni officiorum genere plurimum venerando, & in *literatura* certe *humaniori*, in qua me hoc duce

at-

atque *auctore* vltum aeternum iuuabit, merito iureque suo seculi nostri *Varroni*, ita *liberalissimo* cumprimis studiorum meorum *fautori* ac *promotori* *municentissimo*.

En huius consilii meique studii qualecunque specimen!

III. Ea *accentus* siue *προσῳδίας* pars, quae *sonum* syllabarum cum suavi quadam vocalitate nunc *intendere* magis, nunc *minus*, quod *remittere* dicitur, docet, a latinorum verbo *tendere tenor* 7) denominatur, quos, natura duce, iam antecesserant graeci ab *τείνειν τόνον* declinantes. Vbi sunt hoc vocabulo & hac deriuatione grammatici; quod *vox*, vt *nerui*, qui quidem omnes sunt tensi, aliquo certe modo, quo *remissior*, non penitus quidem, sed tamen *minus tensa*; hoc & *grauior* & plenior: quo *tensior*, hoc tenuis & *acuta* magis est. Nam sonum ab maiori *neruorum intentione*, fieri fortiozem *viuidiorem*que simul & *altiorem*, quod in *voce* animaduersum est, ipsa, quamuis adhuc rudis, iam professsa est ars musica, a *monochordo* ΠΥΘΑΓΟΡΑΕ inde. Quare, quum omnis haec ratio a *chordis* sit ducta; facile videmus, quid sit, quod non maior sola vocis *contentio*, sed &, quae illi opponitur, eius *remissio*, *intensa* tamen & ipsa suo modo plerumque, inimo & harum participationis *medium*, *toni* exprimatur nomine: latius enim omnis soni *vocis ratio ex intentione* sumpta dicitur *tonus* 8). Hacc ipsa *toni* siue

7) QVINCTILIANVS inst. orat. l. i. c. 5. §. 22. edit. cit. *tenores* ab antiquis dictos *tonores* comperit, quasi videlicet, declinato a *gracis* verbo, qui *τέννς* dicunt.

8) Inde est, quod idem & continuus sonus vocis tamen *intentione* dicatur, vna nimirum spiritus

& soni elatio, quam graeci *μενοτονίαν* vocant. Huc quodammodo facere videntur ARISTOTELIS verba l. III. rhet. ἀνάγκη γάρ, inquietis, ὑπεκρίνεσθαι, καὶ μὴ ὡς ἐν λέγοντα τῷ αὐτῷ ᾗθει καὶ τόνῳ εἰπεῖν.

siue *tenoris* denominationis ratio quemque potest docere, posuisse grammaticos illos *tenorem vocis* nonnisi in gradu eius, eoque vocabulo *solam intentionem* dixisse. Itaque, si recte illi praecipiant, qui *intentionem* rei ab eius *extensione* differre perhibent; ut *illam* ponant, ubi *vis gradusque maior* accessit, *hanc*, ubi conspiciuntur *partes iuxta se positae*: grammaticos utique, qui *extensionem* & *productionem syllabarum quantitatem* dicunt; ab ea vero *vocis intentionem tenoris* vocabulo notatam distinguunt, sequendos duco.

IV. Age, ad *reim* iam accedamus propius. Dicimus *tenorem* vocale esse quoddam soni moderamen *circa intentionem vocis* 9). Repetam, quae sentio, paulo altius. Quantumvis literae quaeque sono suo simplici, ore rite informato, protrudantur, & pronuntientur ad moram iustam: tamen ingratus fuit semper vnus & continuus sonus; nisi aer ille incitetur modo *fortius*, & *altius* euehatur, modo *remittatur*, maxime ut res polcere ipsa videtur. Idquod a *naturali* quodam initio venit, & ad ingenium cuiusque linguae ipse *usus* accomodauit, *signo* demum quoque graeci notarunt, eorum in gratiam, qui ex usu hanc suauitatem & hunc linguae genium non capiunt, eoque naturae rei valde conformi, ut ipso ductu ab imo in altius ad modum quendam sagittae emissae vocem intendendam ac tollendam cognoscas, quae pronuntiatio, quia ad maiorem quandam aciem ascendere & subtilior penetrabiliorque, & nova metaphora altior sublatiorque videbatur,

9) Tonum graeci ipsi definiunt esse *ἐπίτασιν*, ἢ *ἀνεσιν*, ἢ

μεσότητα συλλαβῶν [εὐφανίαν ἐχέσαν.

batur, *acutae vocis* (ὀξεῖα ab ἀκῆ) vt equidem arbitror, nomen accepit. Verbum inde, cuius syllaba *ultima* hunc *intensorem sonum* habet, dicitur ὀξύτρον: sin illa acuat^r syllaba, quae *penes* eam est, παροξύτρον; ita vti quae & hanc adeo *antecedit*, si acuminanda est, προπαροξύτρον audit.

Quodsi syllaba vltima, quae caeteroquin *acuenda* foret, propter aliquem autem vocum nexum arctiorem, graeci συνέπειαν dicunt, iam acuminanda non esset, sed *deprimenda*, vt caeteris eius vocis syllabis aequali sono proferatur: nota illa soni acuti *abiicitur* quidem; sed ne quid tirones turbarentur etiam aut peregrini, *signo* ipso quodam cautum est, eo nempe, quod acuti soni est, *inverso*, quod descendentem sagittam referre poterat, adeoque syllabam ab acie sua, quam extra nexum cum voce sequenti habere soleat, iam propter cohaesionem verborum deturbatam esse, caeterisque quoad sonum aequalem pronuntiandam. Quare iam conuersa illa acuti virgula *gravis* audit, & est nota eius soni, quem *aliae* syllabae, praeter acuminatas, omnes habent, quae quod frequentes nimium essent, & earum ratio esset communis, facileque ex opposito intelligerentur; expressis notis singulas indicare superuacaneum foret. Sin illa vox *ex* arcto illo, quem cum sequenti habuit, *nexu*, qui vnus causa deprimendae syllabae fuit, *excedat*; *redit fastigium* illud & sonus acuminans. Quod reliquum est, omnia vocabula, quae vltimam non *acuunt* aut *circumflectunt*, grauitona (βαρύτονα) nuncupamus, hoc est, verba, quorum sonus vltimae syllabae ab sono eius pronuntiationis communi non differt; si vero ad acutum referatur, paulo videtur *depressior* omnino ac grauior.

Circumflexi porro *natura* haec est, quae sequitur. Vocalis producenda *duplicem* quasi habet *moram*, quarum tamen semper *vna* tantum *elevatior* pronuntiatur, si eius syllaba *tonum* habet. *Iam* si *mora prior intendenda*, hoc est, elatior est efferenda; *posterior* caeteris vocis vocalibus *aequalis* in sono putatur, quam, ne quis aberret, inuerso acuto, *gravis* illo (') signo tuti sunt, quod demum cum acuti soni nota (') coalescens (^), quum continuo vtraque ducenda esset mora, ne *duae* haberentur *syllabae*, sonum *circumducendum* quasi designauit. Haesit illi fastigio eius rei (*circumflexi*, περισπωμένης) nomen: & dicitur adhuc verbum, cuius vltima syllaba ita *circumducitur*, περισπώμενον; sin praecedens vltimam syllaba hoc *circumflexi* signo notatur; προπερισπώμενον appellatur. Alterum quod ex hac *circumflexi* notione, quam dedimus, intelligi videmus, iam expediamus. Si nempe mora eius vocalis longae aut duplicem sonum habentis *posterior acutenda* esset: videbantur homines facilius cauere posse, ne *priorem etiam* efferant ac tollant. Quare & simplici nota acuti (') eam signatam passi sunt, eamque in *posteriorem semper vocalem* ponendam. Hoc signum plane *prioris* inuersum (v) esse debebat; si vtriusque morae *altitudinem* notare animus fuisset.

Caeterae syllabae omnes, quae sono *intensiori* proferendae non sunt, sed *aequabili* & eius ternionis *communi*, *graves* dicuntur & *iacere*; si cas nempe compares ad *altitudinem* illam, quae nonnullis illius orationis syllabis inest.

Haec iam omnis *tenoris*, siue *accentus* huius *specialius dicti*, eaque *genuina* videtur *vis*, qua veluti fundamento suo *vocalationis doctrina* nititur. Et, quum hic *tonus literarius* vnum nempe duntaxat *vocis intendendae*,
&

& a sono orationis *uno* deflectendae modum docet: intellectu est facile, si nobis nunc denum formanda haec essent *signa*; *unum* modo *sonum*, *altior* scilicet, ex hac *toni literarii doctrina* percipientes, etiam *uno* eius *intentionis* siue *tenoris signo*, virgula illa ad altiora tendenti curate illi imponenda vocali, quae intendenda esset, posse esse contentos. Ex opposito facile cognoscimus sonum, qui dicitur, in comparatione ad hanc maiorem *intentionem*, *gravis*, qui est orationis illius communis.

V. Tantum vero abest, ut haec eo dicam, quo quae vetustatis nituntur auctoritate in tali causa sancte colenda, innouanda putem, quod forte cum metu fieret, ne omnem hanc elegantiam plane amitteremus: ut potius nihil iam magis in votis habeam, quam uti tandem iam aliquando, post tot tantosque de omni re litteraria egregie meritos viros, qui infinitis multo cum sudore congestis regulis, quae ab *exemplis*, & a *posteriori*, quod aiunt, sunt formatae, nos docent, quae cuiusque vocis syllaba caeteris altior sit euehenda; certa, eaque facilia, his, quae de *natura tenoris* tenemus superstructa fundamentis, *principia cognoscendi ac diiudicandi toni* huius, quantum eius fieri licet, constituentur, ut ne difficultate hac, quae prorsus insuperabilis multis videtur, innumerabiles in limine eius statim perterriti ab hac sermonis graeci parte plane arceantur. Et quod iam praeclara tot ingenia, quae his literis operam nauant, (id quod in omnibus iam ferme tentatum est disciplinis,) purioris doctrinae solidioris decreta ad *philologiae studii* commodum transferre videmus; huius profecto messem in herbis mihi iam videre videor. Etiam si is, qui hac via primus ingredi instituerit, omnem rem non perficiat; progredi certe multum iam poterit.

Hanc vocationem, hoc soni moderamen, quod vniuersum tonum vocamus, omne circa vocis versari intentionem, quam si teneamus, caeteras syllabas facile vno & remissiori modo sonare possumus: hoc fundamento securis prorsus iam insistere licet. Intendunt vero vocem graeci, vt alii homines, quum syllabam magis audiri student. Inde omnino iam varia elici possunt, quae ad intelligentiam toni faciunt 10). Non ego quidem is sum, qui negem, magnam in hac causa partem sibi vindicare hominum arbitrium, ita vt ingenio cuiusque linguae plerumque debeat, quam maxime intendas magis syllabam: naturae tamen conuenientius mihi facere videntur, qui syllabam vocis praecipuam, & vbi cum aliis vocibus eiusdem soni est confusio metuendum, ultimam intendunt, quam qui ob praecipitatam quandam festinationem solam ultimam tono adficiunt. In graecorum maxime sermone priorem obtinere consuetudinem videmus; adeo vt inde plerumque verba, quae duarum sunt syllabarum, tonum in priori habeant, nisi interdum terminatio eius ob causam,

10) Inde est, quod decem illae voculae, quae verbis suis praeponiuntur,

una coniunctio *ἐι*,

duo aduerbia *ἐχ* (vel *ἐκ*, *ἐ*)
ὦς

tres praepos. *ἐις* (vel *ἐς*) *ἐν*
(vel *ἐξ*) *ἐν*,

quatuor terminationes articulo-
rum *ἐς*, *ἐι*, *ῆς*, *αῖς*,

accentu hoc, siue tono intensiore plane carent; quod eas in sermone, vt prae caeteris audiantur,

non desideramus. cf. gram. march. gr. p. 1001.

Par ratio est vocum, quae inde *ἐγκλιτικαί*, vocitantur; quod quasi reclinantur, & cum praecedenti verbo suo coeant. Has sermocinantes ultra tonum orationis communem non efferimus; nisi vbi id nexus, aut dicendi vis poscat. Conf. omnino gram. march. gr. p. 1003 & quos ibi testantur p. 1004. APOLLON. & HERODIAN.

sam, quam iam iam diximus, potius esset *intendenda*. Si plures adiunt *syllabae*; in ea, quae ante illam, quae *penes* est *ultimam* quam plurimum est *tonus*: manet enim in omni eius *flexione* illa *syllaba intensa*, quoad eius fieri potest; & fiunt multae omnino *vocum accessiones* in fine earum. *Longius*, quam *ultra tertiam* a fine *syllabam tonum* recedere *graeorum lingua* communiter non patitur. Et videtur ea *sermonis suauitas graecis propria*, vt, quantum eius fieri possit, *ante syllabam*, cuius vocalis *duplicem moram* habet, *vocem intendant*, quam deinceps in sequenti *suauiter modulentur sono remissiore*. Quare etiam fit, vt *ultima syllaba*, vel quae *penes* eam est, si *vocalem longam* vel *duplicis soni* habeat, proxime *praeaccedens acuatur*.

Quod vero ad diuersa *signa ipsa circumflexi & acuti* attinet, illud sic accipio. Si *vocabula dissyllaba*, quae quidem frequenter *παροξύτονα* esse diximus, *ultima breui*, *primam* vocis *syllabam duplicis morae* habeant: *acui-tur* eius *mora prior, posterior deprimitur*; adeoque sunt *προπερισπόμενα*. Ex eadem ratione *monosyllaba circumflexuntur* plerumque; si nempe *prior mora* est *acuenda*, nisi *ultimam moram* eius vocalis aut *diphthongi solam intendas*.

Quum praeterea illa sit *contractionis* verborum natura, vt propter suauiore genti cuidam facilioremque pronuntiationem *mora aliqua syllabae intercidi* videatur: retinent tamen & *circumducunt* *syllabas*, siquidem eius *prior accentum* hunc habuerit. Maxime nos etiam *iuuare* debet *analogiae ratio*, in *motione generis* praesertim, ac *vocum flexione*. Quod autem multa pro *diuersa dialecto diuerse* modulentur *graeci*; id omnino in omnibus ferme *linguis* vsu venit, nec in *graeorum sermone* infi-

Hanc voculationem, hoc soni moderamen, quod vniuersum *tonum* vocamus, omne circa *vocis* versari *intentionem*, quam si teneamus, caeteras syllabas facile *uno* & *remissiori* modo sonare possumus: *hoc fundamento* lecuris prorsus iam insistere licet. *Intendunt* vero vocem graeci, vt alii homines, quum syllabam *magis audiri* fludent. Inde omnino iam varia elici possunt, quae ad intelligentiam *toni* faciunt 10). Non ego quidem is sum, qui negem, magnam in hac causa partem sibi vindicare hominum arbitrium, ita vt ingenio cuiusque linguae plerumque debeatur, quam maxime *intendas magis* syllabam: *naturae* tamen *conuenientius* mihi facere videntur, qui syllabam vocis *praecipuam*, &, vbi cum aliis vocibus eiusdem soni est *confusio* metuendu, *ultimam intendunt*, quam qui ob praecipitatam quandam festinationem *solum* ultimam *tono* adficiunt. In graecorum maxime sermone *priorem* obtinere consuetudinem videmus; adeo vt inde plerumque verba, quae *duarum* sunt *syllabarum*, *tonum* in *priori* habeant, nisi interdum *terminatio* eius ob causam,

10) Inde est, quod decem illae vocalae, quae verbis suis praeposuntur,

una coniunctio *ἐς*,

duo aduerbia *ἐχ* (vel *ἐκ*, *ἐ*)
ὧς

tres praepos. *ἐς* (vel *ἐς*) *ἐκ*
(vel *ἐξ*) *ἐν*,

quatuor terminationes articulo-
rum *ὦ*, *ὦι*, *ῆ*, *αῖ*,

accentu hoc, siue tono intensiore plane carent; quodeas in sermone, vt prae caeteris audiantur,

non desideramus. cf. gram. march. gr. p. 1001.

Par ratio est vocum, quae inde *ἐνκλιτται*, vocitantur; quod quasi reclinantur, & cum praecedenti verbo suo coeant. Has sermocinantes ultra tonum orationis communem non efferimus; nisi vbi id nexus, aut dicendi vis poscat. Conf. omnino gram. march. gr. p. 1003 & quos ibi testantur p. 1004. APOLLON. & HERODIAN.

fam, quam iam iam diximus, potius esset *intendenda*. Si plures adiunt *syllabae*; in ea, quae ante illam, quae penes est *ultimam* quam plurimum est *tonus*: manet enim in omni eius *flexione* illa *syllaba intensa*, quoad eius fieri potest; & fiunt multae omnino *vocum accessiones* in fine earum. *Longius*, quam *ultra tertiam* a fine *syllabam tonum* recedere *graeorum lingua* communiter non patitur. Et videtur ea *sermonis suauitas graecis propria*, vt, quantum eius fieri possit, *ante syllabam*, cuius *vocalis duplicem moram* habet, *vocem intendant*, quam deinceps in sequenti *susulter modulentur tono remissiore*. Quare etiam fit, vt *ultima syllaba*, vel quae *penes* eam est, si *vocalem longam* vel *duplicis soni* habeat, *proxime praecedens acuat*ur.

Quod vero ad diuersa *signa ipsa circumflexi & acuti* attinet, illud sic accipio. Si *vocabula dissyllaba*, quae quidem frequenter *πρῶτον* esse diximus, *ultima breui*, *primam* vocis *syllabam duplicis morae* habeant: *acuitur* eius *mora prior*, *posterior deprimitur*; adeoque sunt *πρῶτον πρῶτον*. Ex eadem ratione *monosyllaba circumflexuntur* plerumque; si nempe *prior mora* est *acuenda*, nisi *ultimam* *moram* eius *vocalis* aut *diphthongi* *solam intendas*.

Quum praeterea illa sit *contractionis* *verborum natura*, vt propter *suauiore* genti *cuidam facilioremque* *pronuntiationem* *mora aliqua* *syllabae intercidi* videatur: retinent tamen & *circumducunt* *syllabam*, siquidem eius *prior accentum* hunc habuerit. Maxime nos etiam *iuuare* debet *analogiae ratio*, in *motione generis* praesertim, ac *vocum flexione*. Quod autem multa pro *diuersa dialecto* *diuerse* *modulentur* *graeci*; id omnino in omnibus *ferme linguis* *vsu* venit, nec in *graeorum sermone* *infi-*

nitum prorsus laborem esse arbitror 11). Habet hic quispiam, ubi vires suas in *arte didactica* experiri possit.

VI. Singula haec atque vniuersa 12) de *recto toni illius*, siue *accentus specialius dicti* usu valent. His subiungimus quaedam, ex quibus *peruersus usus*, qui a longo inde iam tempore obtinuit, & me ad hanc concribendam *commentatiunculam* maxime compulit, cognoscatur. Confundunt *recentiores plerique tonum* cum alia prosodiae specie, quam *quantitatis* syllabarum nomine habemus. Potuit hic error Teutonum filiis aliisque eo obrepere, insipientibus etiam, facilius, quo maior linguae eorum est grauitas, & longis syllabis abundat. Non potest non inde fieri, ut *intensa* syllaba saepius simul etiam sit *longa*, *longaque* ipsi adhaeserit ex usu *pronuntiatio*. Quare demum etiam per *fallaciam* illam, qua quid *causa* eius rei putatur, quod reuera eius *causa non est*, *accentianculas* has, *intensae vocis signa, protractas* efficere syllabas etiam breues, si in illis *haec nota* reperiatur, perperam opinantur 13). *Praua* haec consuetudo quaecunque *acuada* est syllaba, eam *producit*, & *corripit* tono orationis *communi* pronuntiandam. Quis, quaeso, ibi numerus in sermone graeco, ubi multae, imo plurimae syllabae a veteribus *productae corripiantur*, aliae vero *correptae* iam

11) Longum foret, haec singula testimoniis firmare, aut illustrare exemplis. Dubitationem plane nullam habent, & in quolibet huius consilii libro cognoscere ea licet.

12) Sunt quidem & ista, quae hactenus dicta sunt, ex suis quaeque hausta fontibus: quod au-

tem compendii causa librum hac excerptorum & annotationum mole excrescere non sinamus; id rationes nostrae a nobis flagitant.

13) Indagabimus pestis illius scaturigine in parte huius commentationis posteriori, quae omnis historica est futura.

iam producantur. Frustra de orationis numerosa compositione apud graecos ARISTOTELES, DIONYSIVS & alii innumeri doctissimi viri, frustra CICERO & QVINCTILIANVS praeceperunt; si tonum syllabae cum tempore confundamus. Differunt inter se τένος & χρένος in immensum vsque.

Non negamus eam syllabarum esse fortunam, quae unaquaque remissior sit vel intensior, simulque longior trahatur, vel praecipitetur breuior; si quidem & quantitatem & tenorem syllabarum latius sumas. Atvero, quae pro diuersa ratione nonnunquam in syllabis casu potius quam consilio concurrunt, prorsus eadem iudicat; ita ut intensum sonum a mora longa, & syllabam breuem a remissiori non differre censeat: nae is vsque vtriusque naturae, cyclosum more, repugnatum ibit, quoad intentio & extensio, altitudo & longitudo, eorumque opposita diuersa inter se sunt ac differunt.

Id inde etiam cognoscimus, quod ipse vsus quemque docet, maiorem illam vocis intentionem, quae tonus sensu eminentiori dicitur, non in syllabam modo longam incidere, sed in breuem etiam frequenter, quae, hoc facto, naturam suam minime mutet. Imò, quod iis, qui aduersa hic nobis tenent, admodum παράδοξον fortasse videtur, sunt syllabae, quae intenduntur magis, si breues sunt; sin longam moram habeant, sono remissiori proferruntur 14). Quare & fit etiam, ut tonus mutetur, saluo χρένω

- 14) Nomina in αμος sunt προ- lem longam; non acuitur illa, παροξύτονα; si illa syllaba cum sed syllaba in fine vocis, ut: sequentibus duabus est brevis: χηραμός, εὐλαμός. &c.
quale est καλαμος, πηλαμος &c.
sin habeat antepenultima voca- Eodem loco censenda sunt de- nominatiua polysyllaba in ιον.
Sunt

χεῖνω; & multo plures longas syllabas iacere videamus, & tono illo intensiore carere, quam intendi altius 15). Huc demum accedunt diuersae tenoris rationes apud graecos & latinos, vbi tamen, interdum eandem temporis mensuram habent & χεῖνον eundem. Nempe graeci τόνον polysyllaborum nonnunquam suspendunt a χεῖνω syllabae vltimae, vt, quoties vltima longa sit, tonus non possit esse in

Sunt haec προπαροξύτονα, quando illa syllaba antepenultima est breuis, vt: ἀργύριον, σωματίον. vbi autem syllaba illa longa est; verbum est παροξύτονον, quale est; θηρίον, κηρίον, παιδίον, τριτίον, τέκνιον.

Nec prorsus abs re nostra esse videntur illa DIOMEDIS verba edit. FVTSCHII p. 425: acutus in correptis semper, interdum in productis syllabis versatur. Adstupulatur his in latinis & PRISCIANVS l. c. p. 1288. c. Syllabae, quae correptam vocalem habent, acuto accentu proferuntur, vt: fax, pix, nix, tux, dux, quae etiam tali accentu pronuntiandae sunt, quando sunt longae positione; quia naturaliter breues sunt.

15) HOMER. ΟΔΥΣ. λ. v. 205. sqq.

Τρεῖς μὲν ἐφωρμηθῆν, ἐλεειν
τε με θυμός ἀνώγει.

τρεῖς δὲ μοι ἐκ χειρῶν σκήπη ἰκέ-
λον ἢ καὶ σνείρω

ἑπτὰ: ἐμοὶ δ' ἀχλὺς ὄξυ γε-
νεσκέτο κηροῦ μᾶλλον.

Et VIRGILIUS Aeneid. lib. II. v. 792. sqq.

Ter conatus ibi collo dare
brachia circum:

Ter frustra comprehensa manus
effugit imago

Par leuibis ventis, volucrique
futilima somno.

in antepenultima. Latini solam penultimam respiciunt, quam, si longa est, intendunt fortius; acuunt eius praecedentem, quae adest, si ipsa est brevis penultima 16).

Est iis, qui diuersae pronuntiationi assueuerunt, haec praeceptio oneri, eique aliquantum improbiori. Molestiam fatemur ipsi non tam cito superandam exhiberi nobis primum & sentimus, acuere syllabam conantes ac praecipientes, vbi soni acuti imponitur signum, & circumflexam acuto primum, mox sub finem remissiori, caeteras syllabas communi orationis sono efferre, ita vt solae longae producantur, corripiantur vnae breues, siue tolli, siue communiter eas pronuntiari oportuerit. Et sunt omnino, qui ad hunc eleuandum laborem suadeant, toni prorsus nullam rationem habendam esse tantisper, dum pueria tonum cum tempore permiscendi consuetudo deponatur; quod nullam aliam primae restituendae pronuntiationis viam habeant aut expeditiorem, aut praestantiorem. Cense-rem ego, rem, quae in adultis paululum desperata ferme videtur, felicius apud illos succedere, qui ad hanc linguam discendam demum accedunt. Verum ad historica iam trans-eamus.

VII. Quemadmodum artium & rerum omnium bonarum *initia* quaedam sunt in ipsa *natura* hominis *inlita*, quae deinde *disciplina* & *exercitatione* augentur; sic etiam *cantus* quaedam *initia* sunt in illis, quae τὰ πρῶτα *naturae* vocantur. *Naturali* quodam *initio* cantillare homines & praeter caeteros, quos *Orientales* vocamus, hoc est *tollere vocem* & *submittere* supra demonstratum iam est.

Non poterat itaque *ipsius rei*, hoc est, huius in sermone suauitatis, apud *primos* etiam *Philosophos* ac Gramma-

16) Itaque graecus non pronun- Latinus non Δημόδενς; sed
tiaret intelligunt; sed intelligunt. Demóstheneſ.
C

ticos prorsus nulla fuisse memoria; nec proprio nomine carere: etiamsi, quoad vna cum lacte materno facultas linguae graecae perciperetur; *signis* vsi non sint, & rem sub regulas minime vocarint. Certe PLATO 17), vt pro dictione Διὶ φίλος, nomen hominis vnum Διφίλος nobis exhiberet, altero ἰῶτα sublato, pro *acuto* mediae syllabae sono φί, quae *acutum* habet in simplici φίλος, *grauem* & iacentem sonari docet; & alibi vocales etiam interferi contendit, quo *acute* pronuntiemus iam ea, quae ante sonabant *grauiter*. Pari modo & in voce ἀνδραπός argumentatur.

TRYPHONEM docuisse, ARISTOPHANEM τὸν λαγών (*leptem*) dixisse *acute* & cum v finali, ΑΘΗΝΑΕΥΣ 18) est auctor. Argumentari aliquis inde posset, iam ante TRYPHONEM illum, id est, ante *Augusti seculum* fuisse comoedias quasdam ARISTOPHANIS *accentuum* etiam *signis* notatas, quibusdam certe: qui enim sciri potuisset λαγῶ oxytonon esse illi, non *perispomenon* aut *paroxytonon* adeo? Subiicit 19) & XENOPHONTIS mentionem, qui sine litera finali & *circumducte* dixerit λαγῶ. Nae hoc inde constabat, λαγῶ esse *perispomenon*, λαγῶν autem *oxytonon*. Tria

17) In Cratylo p. 263. g. Διὶ φίλος, τοῦτο ἵνα ἀντὶ ῥήματος ὄνομα ἡμῖν γένηται, τί, τε ἕτερον αὐτόθεν ἰῶτα ἐξείλομεν, καὶ ἀντὶ ὀξείας τῆς μέσης συλλαβῆς βαρεῖαν ἐφθεγγάμεθα. ἄλλων δὲ τουναντίον ἐμβαλλομεν γραμμата, τὰ δὲ ΟΞΕΩΣ, ΒΑΡΥΤΕΡΑ φθεγγόμεθα. - - - τοῦτο τῖνον ἐν καὶ τὸ τῶν ἀνδρῶν ὄνομα πέπονθεν, ὡς ἐμοὶ δοκεῖ, ἐκ γὰρ ῥήματος ὄνομα γέγονεν, ἐνὸς γραμμματος, τῷ Α ἐξαίρεθέντος, καὶ ΒΑΡΥΤΕΡΑΣ τῆς τελευτῆς γενομένης.

18) Deirne/soph. l. IX. c. 14. p.

400. α. τρύφων δὲ φησι, τὸν λαγῶν ἐπ' αἰτιατικῆς ἐν Δαναΐσιν Ἀριστοφάνης ΟΞΥΤΟΝΩΣ, καὶ μετὰ τὴν λέγει λύσας ἴσως ἀντὶ τὸν λαγῶν συναρπάσειεν ἡμῶν. Καὶ ἐν Δαιταλεύσιν. Ἀπὸ λῶλα τίθων τὸν λαγῶν ὀφθῆσθαι.

19) l. c. Ξενοφῶν δ' ἐν τῷ Κυνηγετικῷ χαρὲς τῷ ν λαγῶ καὶ ΠΕΡΙΣΠΩΜΕΝΩΣ. - - εἰσὶ δ' οἱ καὶ ταῦτ' ἀλόγως κατὰ τὴν τελευτῶσαν συλλαβὴν ΠΕΡΙΣΠΩΜΕΝΩΣ προφέρονται. δεῖ δὲ ΟΞΥΤΟΝΕΙΝ τὴν λέξιν.

Tria loca ARISTOTELIS superlunt de *accentus* siue *προσῳδίας* fallacia, qualem ex *Scholiis* ARISTOPHANEM 20) luisse cognoscimus, cui occasionem dederit *Amyniae* lapsus de equo.

1) ARISTOTELES inter loquentes statim audiri & vix dissimulari posse *accentus* concedit, *recte loquentes* nimirum; aut certe potest peti, vt distinguatur quod ambiguum est. In antiquorum autem poetarum versibus interpretandis, quorum, vthic ipse locus indicat, aut nulli, aut certe *non ab auctoribus* erant *accentuum indices*, id succedere minus. Docet nos exemplo 22) versuum HOMERI duplici. Illo *primum*, quem *de meta lignea lapidibus imposita* 23) emendatum cant, obiectionem *accentibus* dissoluentes 24), dum & esse *acutius* sonandum contendant. *Deinde* & illud addit 25), quod ipse de *somnio Agamem-*

20) *Nub.* v. 1275. & 1276.
AMYN. Ἰππες γ' ἐλαύων ἐξέ-
πeson νητὲς θεῶς.

ΣΤΡΕΨ. Τί δῆτα ληρεῖς ὥσπερ
ΑΠΟΝΟΥ καταπεσών.

Schol. Ὁ μέντοι πλάτων ἐν τρί-
τῳ Νόμῳ τὴν τελευταίαν
ΠΕΡΙΣΠΑΙ ἀπο ΝΟΥ λέγων.

21) In libr. de *Elenchis* l. re-
prehens. sophist. l. III. 8. παρὰ
δὲ τὴν προσῳδίαν, inquit, ἐν μὲν
τοῖς ἀνευ γραφῆς διαλεκτικοῖς
εὐράδιον ποιῆσαι λόγον, ἐν δὲ τοῖς
γεγραμμένοις ἢ ποιήμασι μᾶλλον.

22) Pergit idem l. c. Ὅσον καὶ
τὸν Ὅμηρον ἔνιοι διορθοῦνται πρὸς
τὲς ἐλέγχοντας ὡς ἀτόπως ἐξη-
κίτα τὸ ΜΕΝΟΥΚΑΤΑΠΥ-

ΘΕΤΑΙ ὈΜΒΡΩΙ.

23) ΟΔΥΣ. A. v. 160. 161:
ἔθηκε ξύλον αὔον, ἔσον τ' ὀργυῖ
ὑπὲράϊης.

Ἡ δρυὶς, ἡ πεύκης, τὸ μὲν ΟΥ
καταπύθεται ἔμβρω.

24) ARIST. l. c. subsequitur:
λίεσι γὰρ αὐτὸ τῇ προσῳδίᾳ,
λέγοντες. τὸ ΟΥ ὀξύτερον, vt non
sit ὄ, sed ὅ, quod in contextu
deprimitur.

25) Prosequitur haec l. c. his
verbis: καὶ τὸ περὶ τὸ ἐνύπνιον
τῷ Ἀγαμέμνονος, ὅτι ἐκ αὐτὸς
ὁ Ζεὺς εἶπεν,
Δίδομεν δὲ οἱ εὖχος ἀρέθαι.
ἀλλὰ τῷ ἐνυπνίῳ ἐνετέλλετο δι-
δόναι.

memnonis HOMERVM dixisse vult 26). Ex quo loco certe paret, ARISTOTELIS aetate *accentu* distinctam esse primam personam pluralis, *διδόμεν*, ab infinito poetico *διδόμεν*; eunaque *accentum* nihil metro poetico & icanfioni obstitisse.

2) Idem ARISTOTELES ait 27), aut nusquam, aut raro *intensiori* pronuntiatione vel *remissiori* mutari significationem: hinc itaque viam dari ad fallendum sophistis.

3) Qui lucidissimus est tertius de eadem re locus 28), argumentum sophisticum, cuius amphibologia voci & inest, ita solvit 29), vt voculam hanc (&) non idem significare *acutius*, quod *gravius*, dictam contendat.

PLVTARCHVS de DEMOSTHENE refert 30), iurantem eum per AESCVLAPIVM acuisse syllabam, quae est ante penultimam, docuisseque, se hoc recte facere, esse enim Deum (*ἥπιον*) *mitem*.

Instar omnium vero multus est APOLLONIVS 31), in hac causa, praepositionem casui postpositam *paroxytonon* fieri ex *oxytono* docens, & ita quidem vt appareat, illud vulgo non

26) Somnium illud est ILIAD. B. *princ.* verum hodie nihil ibi tale. Habetur quidem hoc hemistichium, quod profert ARISTOTELES ILIAD. Φ. v. 297 in re simili. siue igitur memoria lapsus ARISTOTELES; siue alia vsus est editione.

27) l. c. l. 7. 3. *ὃν γὰρ ἄλλο δοκεῖ σημαίνειν* ANIE MENOS, καὶ ΕΠΙΤΕΙΝΟ ΜΕΝΟΣ ὁ λόγος ἐπ' ἑδενός, ἢ ἐκ ἐπὶ πολλῶν.

28) Ibidem c. 21. Ἄρα γ' ἐστὶ τό'ΟΥ καταλύεις ἀπόφασις; ἔφησας δὲ εἶναι τό'ΟΥ καταλύεις οἰκίαν. Ἡ οἰκία ἄρα ἀπόφασις.

29) Subiicit: *οὐ γὰρ ταῦτό σημαίνει* (intell. τό'ΟΥ) *οξύτερον, τὸ δὲ βραδυτέρον ἡθύν.*

30) In X. *oratt.* vitis p. 845. B. *ᾠμνεῖ δὲ καὶ τὸν Ἀσκληπίον ΠΡΟΠΑΡΟΞΥΤΩΝΩΝ* Ἀσκληπίον καὶ παρεδείκνυνεν αὐτὸν ἐρεθῶς λέγοντα, εἶναι γὰρ τὸν θεὸν ἥπιον.

31) Qui sub TRAIANO scripsit, in opere *περὶ Συντάξεως*, non in ea, quam nunc quartam vulgo facimus grammaticae partem, sed in arte legendi, distinguendi, intelligendique adeo potestas & scriptores alios v. g. vt sciamus, vtrum legendum sit *εὐ νοῶ*

non distinctum fuisse in libris, sed a legentibus supplendum. Nempe magna ars fuit recte legere & pulchre pronuntiare vno tenore scriptam orationem, continuatis sine interuallo literis, & vbi nulla apposita sunt *accentuum* signa. Vtitur in ea re nominibus *oxytoni*, *paroxytoni*, & quaecunque ad eam doctrinam pertinent; nusquam tamen, quod obseruamus, figurae *accentuum*, hoc est signorum oculos subeuntium mentionem facit.

Horum igitur praeceptiones quum obseruet ac sequatur & nostra accentus ponendi in graecis ratio: dubitari nequit, nos eosdem habere *accentus* siue tonos, quos illi literarum harum consultissimi probarunt.

VIII. Mihi itaque vt ad *accentuum signa* iam perueniamus, rem totam ex omni parte sedulo consideranti id vero proximum & ei maxime congruum videtur, *graecos*, qui & mature sane, quin omnium forte *primi*, sermonem suum *regulis* quibusdam *grammaticis* concluderint, quo facilius celeriusque *peregrini* eum comprehenderent, maxime *Alexandrinis*, qui ad subleuandum eorum laborem, qui discunt, omnibus conquisitis subsidiis, tanto illum acceptiorem reddere sunt conati, hos, inquam, non inculcasse solum diligenter hanc orationis suauitatem, sed *sensim* etiam *locis in-expeditioribus* coepisse adpingere quoque illi syllabae, quae esset *intendenda* magis *notulam* rem ipsam vtcunque referentem. *Horum grammaticorum* primus censetur ex fide APOLLONII, ARCADII, aliorumque graecorum magistrorum ARISTOPHANES *literator*. *Huius* discipulus ARISTARCHVS prae-

C 3

cepto-

αν ευνοῶ; Διὸς κέρος, αν Διὸς κέρος;
ἐπὶ πλεῖον, «ν ἐπὶ πλεῖον. Legentis
modo pronuntiationem instruit, vt
si quis hodie germanicam pronun-
tiationem docturus dicat, vocem *Gebet*,
si nomen sit, esse perispomenon;
paroxytonon autem, si verbum

secundae personae. Aut *Der* arti-
culum suo nomini praemissum
esse *εαρόν, ἐμαλόν*, non attollen-
dum: *Der* antecedens relatiui esse
perispomenon cum sequenti *glei-
chen* esse plane copulandum sine
tenore vt sit *dergleichen*.

ceptoris persequutus est vestigia, & DIONYSIVS THRAX, qui ARISTARCHVM audiuit. Quos exceperunt *magnae scholae* illius *Alexandrinae* doctores. Ordine eos refert suo *Clar. VOSSIVS* 32), quem omnino hic sequi fas est. Est APOLLONIVS nempe *Dyscolos*, ORION, HERODIANVS, ALEXANDER, ASTYAGES, ORIGENES, AGAPETVS, PHILOPONVS, SERGIVS, APOLLONIVS *iunior*, ARISTARCHVS *iunior*, IOHANNES AVXONIVS, HERODIANVS *magnus*, GEORGIVS CHOEROBOSIVS & complures deinceps alii, qui omnes, quanto aetate posteriores, tanto pluribus praeceptis *accentuum doctrinam* inuoluerunt. Et lubens omnino adfentior is. VOSSIO, ante *terrium* a CHRISTO nato seculum, opus non fuisse toti apicibus scripturas onerare, vt a *desem* cumprimis inde *seculis* circiter factum esse videmus. In nullis monumentis, nullo in numismate, nec in codicibus, quos ante illud tempus exaratos tenemus, virgulae illae conspiciantur. Id quod documento nobis est vero satis simili, *florante* & integra adhuc *graeca* loquendi ratione, saltem minus frequenter aliis vsibus has *notas* fuisse adhibitas a grammaticis, quam ad pueritiam erudiendam, & docendos homines peregrinos. Ad quem modum & anglicum sermonem methodo Ludewigiana nos discimus. Opus autem erat *paulatim* libris graecis, singulisque vocibus, quae & grammaticorum fuit cura, & suos iuuandi cupiditas, apponi haec *fastigia*, quae sint *accentuum notae*, quo magis graecia in ipsa graecia desiderari coepit. Magnis namque passibus ad barbariem & ipsi graeci tendebant. *Dialectorum* confusa varietas, *gentium* mira colluies, quae in graeciam confluiebant, graecorum linguam iam vehementer disturbauerant, *bella* denique cum gentibus barbaris omnem temerare

32) In elegantissimo libello *de poematum cantu & viribus rhythmi*. Oxon 1673. p. 18. cuius locum modeste HENR. CHR.

HENNINIVS *purpureum limbum suo panno subtextum dicit*, i. e. suae dissert. paradoxae ΕΛΛΗΝΙΣΜΟΣ ὁρθῶς Traiect ad Rhen. 1684.

rauerē, atque infecere graeciam. qua ratione factum est, ut graeci foeda barbarie deturpati vix vllam pristinae suauitatis umbram retinerent.

IX. Diuersa semper, quum in omnibus rebus, tum in literis, & varia est fortuna. Nam sicuti magnae fuit *fortunae*, cūrate *omnium* vocum sonos *intensiores*, ut res ipsa vrgeret, notare, ita accidit *casu* forte maiori, ut ea res demum *χρόνων* siue *temporum* & *quantitatis* doctrinam nobis corrumpere. Est, lapsa omni demum graecitate, quum non pronuntiando solum, verum etiam scribendo *miscerent* vocales *longas* & *breues*, quā plane illud discrimen, ut plerique *septentrionales* negligerent, exortum genus illud *politico-rum*, quos vocant, versusum, ad solum *accentum* vtcunque accommodatum, cuius luculentum specimen sunt illae *τρετρίς Chiliades*. Clarif. vossivs 33) hos versus ideo *politicos* dici, ait, quod aliquam similitudinem habere videantur cum iis versibus, quos inter *nouem heroicorum species* grammatici censent; quique quod nullos moueant affectus, sintque maxime *humiles*, *populares* & *pedestri similes* sermoni, *πολιτικοὶ* & *λογικοὶ* appellantur. Non dubitat *Vir celeberrimus*, quā corrupta heroici carminis pronuntiatione versus illi *politici* originem traxerint; quum si vel *HOMERI* vel aliorum poemata ad legem horum cacuminum exprimas, tales versus cognoscas. Monet idem *Vir clarissimus*, hos, qui primi istius modi versus vsurparint, licet pravo laborarint zelo; non tamen omnino syllabarum neglexisse rationem; sed qui proxime elapsis septem vel octo seculis floruerē, quum viderent, se aevi sui auribus non satisfacere propter immutatam pronuntiationem, omīssa antiqua & naturali syllabarum quantitate, solam vernaculorum tonorum siue accentuum specialius dictorum habuisse rationem, satius ducentes a veterum praeceptis, quam a recepta suis temporibus

bus recedere consuetudine. Et ex hoc fonte omnis per-
verla illa *sonum producendi*, neglecta vera syllabarum grae-
carum quantitate manavit consuetudo, ad quam in scholis
nostris fere omnibus ad hoc usque tempus formamur lan-
cte omnes.

X. Omnes lites iam ac controuersias, quae ab renatis in-
de literis, ex harum rerum tenebris ortae sunt, quod es-
sent tamen semper *viri docti*, quibus prava haec consuetu-
do displiceret; pluribus enumerare non fert instituti nostri
ratio 34).

Disputatur, quod tamen *coronidis* loco dixerim, utrum hae
accentuum notas sint *retinendae*, an vero *dimittendae*? *Retinendas*
eas omnino censeo. Nam ad veterem suauiter pronuntiandi ratio-
nem, si non plane restituendam, ad intelligendam certe multum fa-
ciunt. Et non assequeris profecto intellectu bonam tot librorum
partem, qui hodie exstant, nisi *doctrina accentuum* imbutus. Ta-
ceo maiorem esse *toni* varietatem apud graecos, quam quae possit
nunc, quum *vsus* eius linguae destituamur, *absque illis figuris* tam fa-
cile disci.

Si quis nihilo tamen minus pauca quaedam verba *testimoni* aut
illustrationis ergo exscribere velit, relictis his, typographorum ma-
xime oscitatione commotus *accentuum* notis, ubi nempe res suaui-
tatis huiusmodi causa, nec facile obscuritatis quid hic neglectus in-
ferat, aut alias necesse sit difficultates; equidem viros doctos facile pa-
tior suo seui ingenio; dummodo non argumententur, quum alia sit
toni & eius *signorum*, alia *longitudinis* significatio; *hor indices* ac
custodes prorsus abiiciendos esse. Aliud est illorum officium, *inten-
dere nempe cum suauitate syllabam*.

34) Docte admodum & laboriose
plurima profert IVST. WESS. RVM.
PAEVS in *comment. crit.* ad libr. No.

vi Test. in genere. Lips. 1736. p. 160.
199.

